

Quid pro bonis operibus, verbis, cogitationibus, te donante, à me conceptis referam, quippe qui nihil boni cogitare possum, nisi te largiente? Quid pro auxiliis & inspirationibus tuis? O Domine, pro his omnibus sis benedictus in æternum.

Quid autem pro his omnibus reddidi tibi? Eheu! reddidi mala pro bonis, quia toties ausus sum gravissimis peccatis meis te offendere, te contristare. O utinam eo nunquam commississem, non corde, non ore, non opere!

Suppleo omnes defectus meos sanguine Domini mei Jesu, meritis beatissimæ Virginis, & Sanctorum omnium.

CAPUT III.

Diarium Viatoris.

Sive actionum per diem ordinatio.

MEmineris semper & ubique Deum te cum coelestia

fia intueri: Angelum & dæmonem te, tuaque omnia diligentissimè observare.

2 Considera, quænam agenda hodie, quid status, & vocatio exigat; perinde, quasi in stadio curreres, opera tua omnia ac passus dirige ad metam, idest, ad Dei gloriam corde ardenti.

3 Sæpius & te percontare: Quò pergis anima mea? quid intendis studiis, cogitationibus, & occupationibus tuis? ad quem finem tendis?

4 Utere tempore, velut te omnium pretiosissima, & particula boni diei non te prætereat. *Volat sapiens verbum irrevocabile* (inquit S. Bern.) *volat tempus irremcabile, nec advertit insipiens, quid amittat: libet fabulari, libet otiosi, dicit, donec hora prætereat. O donec prætereat hora, quam tibi ad agenda penitentiam, ad obtinendam veniam, ad acquirendam gratiam, ad promerendam gloriam miseratio Conditoris indulget! donec transeat tempus, quò debueras properare ad Angelicam societatem, suspirare ad amissam hereditatem, flere admissam iniquitatem.*

5 In omnibus actionibus, locutionibus, & cogitationibus dic tibi, monet Mellif. Doct. *Itane ageres, si hanc scires, pro certo novissimam horam?* Et Doct. Angel. op. 62. *Diligentiam apponere debemus, ut singula opera nostra, & salus nostra, & omnis laus Dei, & universitatis utilitas quasi ex uno opere dependeat; quasi numquam ad id opus reversuri, neque aliud postmodum facturi.*

6 In omnibus operibus tuis excellens esto: dum oras, benè ora: dum confiteris, cantas, laboras, fac singula, qua potes perfectione maxima, quia Deus non est remunerator verborum, sed adverbiorum. Imò omnia opera tua ita fac, ac si jam tibi sepulchrum foderetur.

7 In progressu cujusvis etiam minimi operis & colloquii sæpè cor tuum ad Deum eleva, ut inspiciat an illud ei placeat.

8 Ut verò semper collectus in Deo esse valeas, orationibus, quas jaculatorias nuncupant, frequentissimè per diem utere.

Quo-

9 Quotiescumque Domini Dei oblivisceris, ita ut magna pars transierit temporis, sine interiori ad eum motu & conversione; ingemisce, ac pugnis percutere pectus tuum, cum ille debeat solus esse unicus dilectus, & amor tuus totus, nec unquam ille tui obliviscatur.

10 Sæpius per diem Sanctos velut presentes invoca, maxime Virginem Beatissimam, & SS. Patronos tuos cum Angelo Custode viz duce & comite.

11 Si lapsus fueris in via, mox contritione resurge, & amore in Deum.

12 Ut omnes actiones & opera tua gratiora fiant Deo, demerge & depone illa sæpius in vulneribus Jesu, asperge illa sanguine cordis Jesu, offer per manus Beatissimæ Virginis, operibus & meritis Sanctorum uniras.

13 Dum aliqua occurrit occasio peccandi, protestare exnunc, quòd malis mori, malis in ipsum infernum descendere, quàm Deum tuum, summum & infinitum bonum vel mini-

mo

mo peccato deliberato offendere.

14 Sæpius per diem excita in te desiderium corde ardenti videndi Deum in cœlo, illum cum Sanctis amandi & laudandi.

15 Dum in mentem occurrunt tibi peccata tua ante commissa, exnunc illa detestare tanquam rem summè detestabilem, exosam, execrandam; atque corde contrito dolens ejula, quia peccatis tuis amorem tuum Jesum tam graviter toties offendisti.

16 Deinde omnibus modis, quibus potes, te vilifica, te nihil reputando esse, sed credas omnes homines esse bonos, & meliores te, magisque placere Deo.

17 Ante omnia verò, semper primo mane per actum Intentionis, omnes cogitationes, verba & actiones illius dici etiam indifferentes, ad Dei gloriam dirige: quia non in magnis solum actionibus amoris divini magnitudo reperitur, sed etiam in parvis, humilibus, & secretis existit. Amor inaurat & amplificat omnia. Et Jesus laudibus extollit viduam illam, quæ
duo

duo æris minuta contulit, & silentio præterit Salomonem, qui plus quam bis mille millones auri ad templi structuram contribuerat. Totum tempus hujus vitæ nobis concessum est ad merendum præmium æternum: ne igitur sine merito vel instans tibi elabatur, ipsa cibi potusque sumptio, & omne aliud opus coram Deo meritum erit, si S. Paulum monentem audieris. 1. Cor. 10. *Sive manducatis, sive bibitis, sive aliud quid facitis, omnia in gloriam Dei facite.* Curandum ergo tibi, ne unquam opera tua regat casus, sed ratio. Sunt enim aliqua opera, quæ de se non sunt meritoria, neque demeritoria; si tamen altiori intentione eleventur, evadunt meritoria.

Praxis rectæ intentionis.

Rectæ intentio illa dicitur, quæ operis sui finem constituit Deum, & ad ejus honorem & gloriam revocat quicquid fit, dicitur, & cogitatur. Sicut respiratio vitæ naturali, sic recta intentio vitæ spiritali
ne-

necessaria est. Ea est anima & forma actionum: nam qualis intentio, talis est actio. Ne igitur opera tua impura & vacua in conspectu Dei inveniantur, puritati intentionis omni conatu insiste, nec quidpiam vel minimum aggrederere, quin prius actu ad Deum referas, tanquam ad primum principium, & ultimum finem tuum.

Signa rectæ intentionis hæc sunt. Non turbulenter rem aggredi, non anxium esse, non distrahi, non perturbari, ob rei eventum minus prosperum non affligi, nec aliorum judicia anxie querere, omni vana cogitatione post factum carere, opinioniones hominum contemnere, æquè diligenter omnia facere, nec laudibus extolli, nec vituperiis deijci, resignatum ad omnia esse, nihilque optare, nihil timere.

Sed quia difficile est ob multiplicem humanæ naturæ fragilitatem perfectissimæ intentionis actum elicere, quin multis imperfectionibus permittus sit, remedium efficacissimum, & Deo gratissimum erit, tua quælibet opera, verba, & cogitationes, ope-

ri-

ribus, verbis, & cogitationibus Domini nostri Jesu Christi unire, ut in sanguine ac meritis ejus purificentur, & perficiantur. Sic autem unita, & purificata offeres Deo Patri in odorem suavitatis.

Considera deinde monitum illud Christi: *Quoniam oportet semper orare, & nunquam deficere*: hoc enim non aliter servare potes, quam mediante recta intentione. Semper orat, qui semper benè agit: benè autem semper agit, qui per rectam intentionem omnia opera sua ad Deum refert. Res ista facillima est, & in tua potestate posita: quid enim facilius, quam mente ad Deum elevata dicere: *Hoc propter te Domine, ad gloriam tuam*? Parva res est, sed ingens meritorum cumulus ab ea pendet; & si eam omiseris, quamvis multa agas, nihil egisti. Sine mercede est labor, qui caret recta intentione.

Ac-

Actus Matutini.

In Jesum & Mariam primos oculos, somno evoluto, Viator aperiat, ac si presentes, & suo lecto adstantes conspiceret: proinde prima quasi sit respiratio, Jesus Maria. Deinde paulo sibi factus presentior dicat:

O Jesu & Maria, mei dulcissimi amores, dono vobis cor & animam meam: totus sim vester; nullus meus in æternum. O Jesu candor lucis æternæ, Deus Deus meus ad te de luce vigilo. Anima mea desideravit te in nocte. Paratum cor meum, Deus, paratum cor animum. O Domine, quia ego servus tuus, ego servus tuus, & mancipium ancilla tuæ Mariæ.

E lectulo surgens, & seque muniens signo S. Crucis dicat.

In nomine Patris, & Filii, & Spiritus sancti.

Benedicta sit Sancta Trinitas, atque indivisa unitas, Pater & Filius,

lius, & Spiritus sanctus, confitebimur ei, quia fecit nobiscum misericordiam suam.

Benedictus sit Deus Pater, qui me creavit & conservat, Unigenitusque Dei Filius, qui me redemit, Sanctus quoque Spiritus, qui vocavit me.

Adoro, laudo, & saluto te dulcissimum & vernans cor Jesu Christi, & ex totis viribus cordis mei ago tibi gratias, quod me hac nocte custodieris, Deoque Patri pro me laudes, & gratiarum actiones persolveris.

Immortales etiam vobis gratias ago SS. Virgo Maria, SS. Angeli & Patroni mei pro speciali tutela mihi, & omnibus in toto mundo hominibus hac nocte exhibita: benedicant & collaudent vos omnes omnium anhelitus & respiria; psallat cor nostrum vobis gratiarum canticum, ut semper, præsertim in agone nostro, à vobis adjuvari mereamur.

Deinde petat benedictionem.

Benedic mihi hodie & quotidie, sancta & individua Trinitas. Be-

ne-

nedic mihi ineffabilis potentia Patris. Benedicite mihi manus, & cor dulcissimum cum Filio Virginis Matris. Benedicat me virtus Spiritus Sancti.

Anima Virginis Mariæ lucidissima illumina me. Corpus Virginis immaculatissimum custodi me. Lac Virginis Mariæ nitidissimum pasce me. Fletus Virginis Mariæ in Passione Christi effusus confirma me. O dulcissima Prens, fons divinæ pietatis & gratiæ, intercede pro me. O Virgo Mater misericordiæ impetra mihi, ut à Filio tuo prævisam hodie implere possim mensuram meritorum meorum; ut casto, ac humili corde & corpore, Filio tuo, & tibi in omnibus actionibus meis servire & placere valeam.

Sancte Michael Archangele, tuere nos in prælio, ne pereamus in tremendo iudicio. S. Gabriel, S. Raphael, omnes sancti Angeli & Archangeli Dei succurrite mihi peccatori.

Rogo vos cunctæ Virtutes cœlorum, ut nullus inimicus mihi nocere possit, nec in via, nec in domo, nec dormiendo, nec vigilando, nec aliquid aliud faciendo.

O

O Crux Christi adjuva me: ò Crux Christi salva me: ò Crux Christi libera me: ò pretiose Sanguis Christi ne permitas damnari & perire me: ò purpurea vulnera Christi abscondite me.

O Sancti, Sanctæque Dei, omnes Sancti Innocentes, SS. Patriarchæ & Prophetæ, SS. Apostoli, Martyres, Confessores, Virgines, Sancti ad quorum Ecclesiam vivo, Sancti Angeli custodes status & officii mei, Sancti veteris testamenti orate pro me indignissimo peccatore.

Per merita Sanctorum Patronum meorum, per Crucem & pretiosam sanguinem Salvatoris mei Jesu Christi, per merita totius triumphantis & militantis Ecclesiæ, Sancte Deus, Sancte Fortis, Sancte & Immortalis miserere mei. A subitanea & improvisa morte, libera me Domine: à peccandi occasione: à carnalibus desideriis: à damnatione perpetua: à corde obstinato & in peccatis obdurato: à spiritu superbix: ab omni prava intentione: ab appetitu terrenæ consolationis: ab

appe-

appetitu voluptatum temporalium : ab omni inani gloria : ab amaritudine, ira, & indignatione : à deliberato etiam veniali peccato, libera me Domine.

Postulatio gratiarum.

Inclina autem tuam ad preces meas, Domine Deus refugium meum, & custodi me. Notam fac mihi viam, in qua ambulem, & doce me facere voluntatem tuam. Da cordi meo te desiderare, desiderando querere, querendo invenire, inveniendo perfecte amare. Expelle à me spiritum elationis, & extingue desideria carnis. Pone eustodiam ori meo, ut non delinquam in lingua mea. Da patientiam in adversis, continentiam in prosperis, terrena despiciere, & amare coelestia. Auge in me fidem, spem, charitatem, & da thesaurum humilitatis tuæ. Deduc me in semitam mandatorum tuorum, & quod à me requiris ut faciam, tribue ut sciam. Tu scis, Domine, quid à te petere debeam; id tu mihi largire, quia omnia potes: in te enim confido, & scio quia non confundar.

Ora-

Oratio.

AD te, à quo sum, & per quem vivo, sentio, & intelligo, ad te summum bonum meum, qui es principium, & finis ultimus, ad te levo manus meas, & cor meum, Sancta Trinitas, unus Deus. Utinam te amore infinito dignissimum, perfecte amare valeam hodie, & omnibus diebus vitæ meæ. Dirige omnia verba, cogitationes, & opera ad majorem tui gloriam, & salutem animæ meæ. Da quod jubes, & jube quod vis. Credo, Domine, quicquid per Ecclesiam tuam Catholicam credendum proposuisti. Omnem spem meam in tua bonitate, & meritis Domini mei Jesu Christi repono. Commendo tibi omnes domesticos & familiares, consanguineos & affines, benefactores & adversarios meos: concede omnibus, & singulis quod scis eis expedire ad salutem mentis, & corporis. Da afflictis consolationem, infirmis sanitatem, peccatoribus veniam, justis perseverantiam, vivis pacem, & requiem defunctis.

Ac-

Actus ante Missam, vel Communionem.

FIDEI.

Quis mihi det, suavissime Jesu, ut sub candido specierum Sacramentalium velamine vulgum tuum intueri possim, in quem desiderant Angeli prospicere? Credo firmissima fide, te in augustissimo Sacramento corporis & sanguinis tui verè præsentem esse Deum meum, & Dominum meum. Hoc est compendium omnium mirabilium tuorum.

SPEI.

In te solo spem meam colloco, dulcissime Jesu, quia tu salus & virtus mea, tu refugium & firmamentum meum, tu fons omnium honorum. Quo modo enim auderem hoc tremendum sacrificium Deo Patri offerre, teque in eo suscipere, nisi fiduciam tu mihi præberes, qui me tuo sanguine redemisti? De tua igitur benignitate confisus accedo ad te. Misere mei, & sal-

salva me, qui nunquam deseris sperantes in te.

CHARITATIS.

Grande quidem fuit, & admirabile opus amoris tui, quod naturam nostram assumere dignatus sis; sed longè præstantius & mirabilius est, quod transiturus de hoc mundo ad Patrem, corpus tuum in cibum & sanguinem in potum reliqueris: in illo siquidem nostram suscepisti humanitatem, in hoc tuam largiris Divinitatem. Amo itaque te, unicum solatium meum, unica spes languentis animæ, unica mea felicitas, & summum bonum meum. Ignem venisti mittere in terram; accende illum, ut semper crescat. Te enim amabo, si amandi vires præberis, & eò amplius amabo, quò uberiorem amandi gratiam infuderis: nunquam tamen te amabo, ut dignus es.

Gratiarum actio.

Gratias tibi ago, benignissime Deus, quòd me vilissimum pecca-

catorem admittere dignatus sis ad vivificum tuæ mensæ convivium. Memento verbi tui, in quo mihi spem dedisti. Tu enim dixisti: Qui manducat meam carnem, & bibit meum sanguinem, in me manet, & ego in eo. O dulcissimum verbum! tu in me & ego in te. Ne patiaris ergo me sine fructu à te recedere, sed operare mecum mirabilia tua, sicut cum Sanctis tuis operatus es; & fac me ambulare in fortitudine cibi istius omnibus diebus vitæ meæ. Amen.

Anima Christi sanctifica me: Corpus Christi salva me: Sanguis Christi inebria me: Aqua lateris Christi lava me: Passio Christi conforta me: O bone Jesu exaudi me: Intra tua vulnera absconde me: Ne permittas me separari à te: Ab hoste maligno defende me: In hora mortis meæ voca me, & jube me venire ad te, ut cum Sanctis tuis laudem te in sæcula sæculorum. Amen.

Mo-

Modus visitandi quotidie augustissimum Sacramentum.

NUllum efficacius instrumentum ad perfectionem, & unionem cum Deo, quam crebra per diem Salvatoris nostri Jesu Christi in augustissimo Eucharistix Sacramento latentis visitatio. Praxis autem hujus nobilissimi exercitii his fere monitis continetur.

Considera, & admirare incomprehensibilem Dei amorem erga te: noa enim satis illi fuit sub speciebus Sacramentalibus suum tibi corpus & sanguinem, ipsamque divinitatem tam mirabili dignatione largiri; sed etiam usque ad consummationem sæculi in Ecclesiis asservari voluit, ut in omni necessitate certissimum subsidium, in omni tribulatione tutissimum refugium, in omni rerum eventu præsentissimum consilium in promptu haberet; ejusque præsentia, quandam Viatori licet, perfruereris. Cum novis igitur divinæ gratiæ auxiliis semper

D

in.

indigeas ad evitanda peccata, superandas tentationes, & virtutes exercendas; quid optatius tibi contingere potuit, quàm apertum accessum ad eum jugiter habere, qui potest te adjuvare, erudire, & consolari?

Accede igitur ad eum, & vide, & gusta quàm suavis est: & delectabitur in crassitudine anima tua; dabitque tibi petitiones cordis tui. Ingredere in locum Tabernaculi admirabilis confusione plenus, Christi præsentiam viva fide apprehende, ipsumque adora in spiritu humilitatis, & in animo contrito. Excita desiderium Deo ferventiùs serviendi, propone emendationem, & gratiam pete ad tui innovationem necessariam, atque ita te compone, ut illi placeas.

In recessu, à Christo Domino benedictionem peres, atque ei te ipsum, & omnes, pro quibus orare debes, obnixè commendabis.

Actus diversarum virtutum.

O Mi Deus! gratulor tibi & gaudeo cum tota Ecclesia de tua di-

divinitate, & gloria, de omnibus excellentiis, & perfectionibus tuis.

Adoro ex profunda abyssu mei nihili infinitam Majestatem, Sanctitatem, Bonitatem, Potentiam, & Sapientiam. Adoro te Trinum & unum.

Adoro te, benedicte Jesu, in Deo Patre & Spiritu Sancto, verum Deum & hominem: in immaculata Virgine Matre tua: in omnibus Angelis & Electis: in cælo & in terra: in speciebus venerabilis Sacramenti per totum orbem, & in justis omnibus.

Adoro te captum, flagellatum, desolatum, crucifixum: atque isto meo actu omnes alias adorationes, alios cultus, quibus hæctenus affectus es, & quibus affici te conveniebat, uno fasciculo comprehensos tibi offero, & dedico.

Desidero, Domine, ut ab omnibus creaturis rationalibus adoreris, lauderis, & glorificeris.

Doleo de omnibus peccatis meis, & totius mundi, quæ contra te Deum meum quomodocumque unquam facta sunt, fiunt, fientque, eo affectu,

D. a. quo

quo Christus dolere me vult.

Pro omnibus, & singulis beneficiis tuis mihi, & omnibus aliis in vita, & post vitam præstandis, gratias ago, quantas possum, & quantas debeo.

Omnia bona opera, omnium hominum & Angelorum, quæ tibi Domine unquam placuerunt, vel adhuc placebunt, approbo, & tibi offero ad gustum tuum.

Actus varii pro opportunitate temporis, & occasionis eliciendi.

Ante recitationem Officii divini.

ERubesco, Domine, cogitans quis tu, & quis sim ego: nempe audeo vilis terræ vermiculus, & putris ranuncula è paludè sua prorepere ad thronum gloriæ summi Dei. Egonè comparebo coram te, & loquar ad Dominum meum, cum sim pulvis, & cinis; imò quòd gravius est, indignus, exosus, & ingratus peccator? Sed quia me, Domine, tam amanter invitas ad

ora-

orationem, & colloquium tuum accedam.

Placeat tibi, Deus meus, hoc sacrificium laudis: & benignè digneris acceptare has preces, non ut à me procedentes, sed à te inspiratas, & sanguine Domini nostri aspersas. Per illas supplico tibi Deo meo, ut mihi largiaris peccatorum remissionem, dones augmentum gratiæ, & amoris tui. Esto propitius propinquis, amicis, & benefactoribus meis. Succurre illis, qui se meis precibus commendaverunt, converte miseros peccatores ad te. Revoca Hæreticos, & Schismaticos: illumina infideles omnes te ignorantes. Da animabus fidelium defunctorum lucem, & requiem sempiternam.

D;

Fia

Pia Exercitia.

De Passione Domini, & laude B. Virginis ad omnes Horas Canonicas, ab ipso Domino Jesu dictata S. Gertrudi.

Ad Matutinum.

Domine Jesu Christe, laudo te per cor tuum dulcissimum, in innocentia integerrimæ Virginitatis beatissimæ Matris tuæ, quæ ipsa te Virgo concepit, Virgo peperit, & post partum Virgo inviolata permansit: Et imitata est tuam innocentiam, quia tu hora matutina pro redemptione generis humani captus, ligatus, & alapis, & fustibus cæsus, diversisque contumeliis, & opprobriis miserabiliter, & immisericorditer fuisti affectus.

Laudo & saluto te, Mater beatitudinum, dignissimum Spiritus sancti Sacrarium, per dulcissimum cor Jesu Christi, Dei Patris, tuique amantissimi filii, orans, ut in omnibus indigentis, & in hora mortis nobis succurras. Amen.

*Ad**Ad Primam.*

Domine Jesu Christe, laudo te per cor tuum dulcissimum in humilitate illa placidissima, qua intemerata Virgo magis magisque habilitabatur ad te suscipiendum: Et imitata est tuam humilitatem, quæ tu Judex vivorum, & mortuorum, horâ primâ coram gentili homine judicandus adstrere humiliter fuisti dignatus pro redemptione generis humani.

Laudo & saluto te &c.

Ad Tertiam.

Domine Jesu Christe, laudo te in desiderio illo ferventissimo, quo B. Virgo te Filium Dei de sinu Patris summi traxit in uterum suum virginalem: Et imitata est te in illo desiderio ferventissimo, quo salutem humanam desideravisti, cum daris flagellis cæsus, spinis coronatus, & horâ tertiâ Crucem ignominiosissimam tuis fessis, cruentatisque humeris cum sum-

D 4

ma

ma mansuetudine, & patientia dignatus fuisti bajulare.

Laudo & saluto te &c.

Ad Sextam.

Domine Jesu Christe, laudo & saluto te in spe illa securissima, qua coelica Virgo per bonam voluntatem, & sanctam intentionem semper ad laudem tuam aspirabat: Et imitata est te, quia in alta Crucis arbore suspensus, inter ipsas amarissimas mortis acerbitates, totis viribus anhelabas ad humani generis redemptionem, unde, & clamabas: *Sitio.* In tantum sitiebas salutem animae humanae, quod si necesse fuisset, adhuc duriora, & amariora supplicia perculisses, teque ad universa pro redimendo homine gratis paratum obtulisses.

Laudo & saluto te &c.

Ad

Ad Nonam.

Domine Jesu Christe, laudo te in ardentissimo amore illo mutuo, scilicet, divini Cordis, ac intemeratae Virginis, quae divinitatem excellentissimam tenerimè conjunxit, ac inseparabiliter convivit humanitati in utero virginali: Et imitata est te viram viventium, hora nona in Cruce pro amoris magnitudine mortis amarissimae succumbentem ob humanam redemptionem.

Laudo & saluto te &c.

Ad Vesperas.

Domine Jesu Christe, laudo te in fide illa constantissima, qua B. Virgo sola tempore mortis tuae, recedentibus Apostolis, & desperantibus universis, in vera fide perstitit immobilis: Et imitata est te in fidelitate illa, qua jam mortuus, de Cruce positus, subsequutus es hominem, etiam usque ad limbum inferni: unde

D 5 ip-

ipsum omnipotenti manu misericorditer eripiens, transvestisti ad gaudia Paradisi.

Laudo & saluto &c.

Ad Completorium.

Domine Jesu Christe, laudo te in perseverantia illa laudabilissima, quæ Mater tua dulcissima in omnibus bonis, & virtutibus perseveravit usque in finem: Et imitata est te tantâ diligentia opus humane redemptionis peragentem, quod etiam post obtentam amarissima morte veram hominis liberationem, necdum omisisti corpus tuum incorruptibile humano modo tradere sepulture, ut demonstrares, nihil omnino esse tam vile, quod pro salute hominis recuses.

Laudo & saluto te &c.

In

In ipsa recitatione divini Officii.

Consideret, qui psallit, aut recitat, se officium Angelorum obire, quorum in cælo perpetuum est exercitium Dei laudes celebrare. Sed ipsis exemplis melius demonstrari potest officium divinum esse Angelorum officium.

S. Maria Magdalena triginta annis ab hominum consuetudine sejuncta, quotidie septies ab Angelis elevabatur in altum, ad audiendas cælestium Spirituum laudes, & cum illis persolvendas.

Sanctus Bernardus, in matutinis horis vidit Angelos, qui Fratrum orationes scribebant, aliorum quidem auro, aliorum argento, nimirum, qui devotè canebant; aliorum aquâ, videlicet tepidorum.

S. Guduvaldus Archiep. ambulans aliquando per mare, cum preces in navî persoluturus inchoasset more Ecclesiæ dicens: *Deus in adjutorium meum intende*; Angeli subjunxerunt:

Do-

Domine ad adjuvandum me festina, & ita totum Officium alternis vicibus cum Viro Dei persolverunt. Surius 6. Jun.

Unde Joannes Gersen loquens his, qui in choro preces absolunt, sic dicebat: *Chorus est Dei & SS. Angelorum locus sacratus: sicut Angeli in celo, sic ministri ordinati sunt in choro.* Sic ergo sta in choro, & canta inter Fratres, quasi in medio Angelorum stares ante Christum in dextera Patris residentem, vel ante beatissimam Virginem, Filium suum infantem in gremio gestantem.

Contra verò quantum Deo displiceat negligentia in divino Officio, & præceps quædam celeritas, absque ulla ferè significatione reverentiæ, patet è vita S. Ludgardis, ubi divinitus innotuit, pestem fuisse poenam culpæ istius. Unde quamprimum Horæ canonicæ cum reverentia sunt recitatæ, pestis cessavit, *Surius 26. Jun.*

Recentius est id, quod memoria prodidit Nebridius Canonicæ Regulæ S. Augustini, qui ait, Gratiano Capu-

puicino pio Novitio in templo nocte intempesta Deum oranti, Cœlites in cultu splendidissimo conspectos dixisse: *Dicas Guardiano, ut curet in choro Horas canonicas lentius recitari, quia nihil in Ecclesia, post usum Sacramentorum, Deo gratius est recitatione Horarum canonicarum.*

Jacobus Cardin. Vitriacensis ait, Sancto cupiam visum demone in humeris onustum sacco pleno sylabarum in Horis Canonicis celeritati præcipiti omissarum.

Justinum in extasim raptum anno 1547. narrat è Boverio Nebridius, pervenisse in Ecclesiam, cum Religiosi matutinum Officium peragerent. Sperabat se auditurum concentum Angelorum: sed ecce nihil aliud percipere potuit, quàm horrendos latratus canum, grunitus porcorum, mugitus bouum, & verba blasphemiarum. Mirabatur: Et vox ad eum: *illorum Religiosorum preces, qui eas negligenter persolvunt, qui regulam negligunt, aliosque rectè viventes impediunt, nihil aliud esse quàm voces belluarum.*

Ora-

Oratio, quam Christus Dominus B. Gertrudem docuit, post Horas recitandâ. Blos. Monil. cap. 3.

O Bone Jesu, propicius esto mihi peccatori. Ego tepidum, distractum, & imperfectum servitium meum commendo mellis tui cordi tuo emendandum, & perficiendum: tibi que ipsum offero, in unione illius attentissimæ orationis, quâ tu Patrem orasti, & laudasti in terris. Responde quæso, satisfac, & supple pro me plenissimè.

O piissima Mater, supple hoc imperfectum obsequium meum apud dilectum Filium tuum: monstra te esse Matrem.

O piissime Jesu, suscipe hoc idem de manu SS. Matris tuæ, unitumque tuis, ac ejusdem, omniumque Sanctorum meritis, offer æterno Patri.

S. Gertrudis ora pro me. Offer preces meas cordi Jesu, à quo has didicisti.

Af

Affectus post horas Canonicas, vel alias privatas Orationes eliciendi.

O Pater misericordiarum, scio & verè cognosco, quòd me peccatorem miserum magis deceret coram te jacere prostratum, & cum fletu, gemitu, ac rugitu, peccatorum meorum veniam postulare, quàm te ore polluto laudare.

Ignosce Domine, ignosce pie Salvator, ignosce, & miserere. Noli me, tanquam temerarium reprobare, quòd audeam servus valde malus te omnipotentem Deum terribilem, ac nimis tremendum, sine cordis contritione, & lacrymarum fonte, sine reverentia, & tremore laudare.

Utique, Domine, Angeli te Dominum suum adorantes, & laudantes tremunt mira exultatione repleti; ego peccator, dum tibi assisto, laudes dico, peccatorum veniam postulo, cur non corde paveo, vultu palleo, labiis tremo, toto corpore inhorresco, sicque obortis lacrymis coram

ram

ram te indesinenter lueo? Volo, sed non valco. O amor, vim patior! tu responde pro me, quia nescio quod dicam Deo vitæ meæ.

Et quia, mi Domine, non est speciosa laus in ore peccatoris; laudet te, Domine Deus, tua æterna Deitas, immensa Majestas, infinita Bonitas, laudet te tua altissima Sapiencia, tua latissima Misericordia, tua profundissima Justitia.

Tibi, Domine Deus meus, jubilet, & benedicat Humanitas Jesu C. Sanctissima ejus vita, divinissima ejus virtutes, pretiosus ipsius sanguis & lacrymæ, dirissima ejus vulnera & livores, cor illius apertum.

Jubilet tibi pro me Mater gloriosissima Filii tui, tabernaculum admirabile gloriæ tuæ.

Tibi, Domine Deus meus, cantet & jubilet SS. Mater Ecclesia, te honorent omnes psalmi, & preces, omnes ejus affectus & amores, omnia ejus vota & desideria, quibus ad te gemit in hac lacrymatum valle.

Jubilet tibi pro me omnes sancti

An-

Angeli, omnes Sancti & Sanctæ, omnium Electorum tuorum exercitus.

Jubilent tibi pro me, & audent te omnes creaturæ, & quæcumque cœli, terræ, & abyssi ambitu continentur.

Benedictum sit in omni loco totius universi nomen tuum, Domine, quod est sanctum, & laudabile, & gloriosum in sæcula.

Jubilent etiam tibi, & gratias agant cor meum, & anima mea, intellectus, memoria, & voluntas mea.

Nunquid enim, Domine, ideo te non laudabo, quia me indignum, & immundum esse agnosco?

Nonnè & vermes, & ranæ immundæ coarctantes in paludibus suis, te suum creatorem laudare cupiunt, prout sciunt, & possunt?

O Domine amoris! quandiu habitus erit in ore meo, benedicam te Dominum meum in omni tempore, semper laus tua in ore meo. Lingua etiam deficiente, omnis respiratio mea sit laudis significatio. Corpore verò extincto, & in pulverem redac-

daſto, laudes tibi infinitas dicant mi-
nutiſſima quæque pulveris grana us-
que ad extremum iudicii diem.

Aſus Antemeridiani.

O Deus omnipotens, adorande,
colende, tremende, ante cu-
jus conſpectum omnis Beatorum exer-
citus cum ſumma reverentia, & tre-
more procidit, teque jugiter adorat,
reveretur, te contempletur; quomor-
do & ego vermis immundus, canis
mortuus, cadaver putridum: ego in-
gratiſſimus, & infideliſſimus pecca-
tor, non tantum coram te aſſistere,
& nomen tuum laudare, ſed ad tuam
divinitatis contemplationem; fruitio-
nem, & unionem aſpirare audebo?

O Domine, quia tanta tua eſt dig-
natio, ut velis, & gratum habeas a
me adorari, & mecum colloqui; ideo
ingredere in ſolitudinis mee requiem,
& concede, ut hic ſecus pedes tuos
cum ſancta amante tua Magdalena,
diſcam modum ac rationem, qua uni-
neceſſario ſollicitè vacem, atque uni-
cè intendam.

Ex-

Excita me, Domine, ab omni ne-
gligentia, & ſenſuum evagatione. Da,
ut in meditatione mea exardescat ig-
nis. O ſi, ut ferrum igni, ira & ego
uniar tibi amori meo.

At quomodo ſervus tam inutilis in-
veniet gratiam in conſpectu tuo? Reſ-
pice, o Pater, in faciem Chriſti tui,
in quo tibi bene complacuiſti, in cu-
jus nomine ſupplex rogo, ut clemèn-
ter exaudias me.

Ut feliciùs tibi ſuccedat Meditatio.

Imprimis imaginare quaſi cœlum
apertum, & puta te videre Deum
Patrem ibi Angelis circumdatum, at-
que conſiderantem; quidnam agere
velis. Roga eum, ut auream ſagit-
tam adverſum te dirigat, qua cor
tuum ſancto amore ſuo vulneret.

2 Puta te videre Deum Filium cum
vulnerum ſuorum cicatricibus mirificè
radiantibus; deprecare eum, ut tuo
pectori immitat guttam ſanguinis ſui,
qua cor tuum veluti vivo igne succen-
ſum, in amore divino incaleſcat.

Ima-

3 Imaginare te contemplari Spiritum Sanctum sole longè splendidiorum; roga eum, ut ad te candidam gratiæ suæ columbam demittat, & inflamet cor tuum.

4 Pinge te à latere obtueri Virginem beatam stellis coronatam; ei cor tuum præsentia, ut ipso Filio suo offerat.

5 Imaginare denique te cernere innumeras beatorum Spirituum phalanges, qui ei mysterio, quod contemplaturus es, assistent. Tu verò postea perge ad pedes Jesu, assumpta similitudine vel servi ingrati, vel peccatoris, vel exilio damnati, &c.

Post Meditationem.

Te Deum laudamus, vel *Collectæ consuetæ cum versibus recitentur.*

In ingressu Ecclesiæ.

ERgonè credibile est quòd verè Deus habitet super terram? si cœlam, & cœli cœlorum te capere

non

non

non possunt; quantò minùs hæc domus?

Domine, in multitudine misericordiæ tuæ introibo in domum tuam, adorabo ad templum sanctum tuum, & confitemur nomini tuo.

Omnes Sancti, & Sanctæ Dei, quorum reliquiæ, & imagines hic sunt, saluto & veneror vos: intercedite obsecro pro me.

Salvete omnes Christi fideles animæ: det vobis requiem ille, qui est vera requies, Jesus Christus Filius Dei vivi: ille benedicat vos, & à poenis liberet, faciatque resurgere in die judicii, Angelisque suis sociari.

Visitando SS. Sacramentum.

COram te, ò Santissimum Sacramentum, cum summa reverentia procido, & tum omnibus Angelis, & Archangelis, cum Thronis, & Dominationibus, cumque omni militia celestis exercitus hymnum gloriæ tuæ concino, dicens: Centies millies laudetur sanctissimum Altaris Sacramentum.

Cre-

Credo, mi Jesu, firmissimè, quòd sub his speciebus tu Dominus meus, & Deus meus continearis. Innovo & offero tibi omnes affectus, & actus adorationis, salutationis, & recognitionis hìc & ubique elicitos, & impensos; & non tantum hìc, sed in omnibus Ecclesiis per totum mundum existentibus.

Gratias tibi, Domine, pro thesauris omnibus beneficiorum, quos hìc aliquando effudisti, & effundes. Doleo de omnibus peccatis, & irreverentiis, quibus aliquando in hoc loco offensus es, & offenderis.

Vos verò Sancti Angeli, SS. Patroni, ad quorum Ecclesiam vivo, & in qua sepeliar, adorare, magnificare pro me istum Dominum meum hìc presentem, omni modo, omni tempore, in æternum.

Praxis offerendi Sacrificium Missæ cum Sacerdote celebrante.

Suscipe, clementissime Pater, hoc SS. Missæ Sacrificium à Sacerdote celebrandum, in unione illius SS. Sacrificii, quod Christus in ultima coena, ac demum in ara Crucis tibi obtulit. Et imprimis.

In gratulationem de infinitis thesauris gloriæ, quos habes in te, & à te.

In adorationem & amorem, quo in æternum cupio amare te propter te.

In gratiarum actionem pro beneficiis omnibus, quæ habeo, & quæ habent omnes creaturæ à te.

In satisfactionem omnium peccatorum, quibus unquam offensus es.

Im impetrationem gratiæ illius, quam mihi nunc, & in ultimo puncto vitæ meæ maximè necessariam scis esse, ut veniam ad te.

In impetrationem gratiæ tuæ omnibus in horrendo mortali peccati

seatu existentibus, omnibus in agone luctantibus, peregrinantibus, viduis, orphanis, benefactoribus.

In auxilium animarum Purgatorii, præcipue N. ut levamen poenarum consequantur.

Praxis Communionis spiritualis.

ITA est, Domine Jesu, indignissimus sum; quia omnibus peccatoribus, & ipsis damnatis deterior sum, indignus omni bono, & dignus omni malo. Sto tamen pauper & inops ad mensam magni Regis, & amantissimi Patris mei, tuam Christe Jesu, & credo tibi, o æterna veritas, quoddam verè è summo caelorum ad verbum Sacerdotis, ut me visites, venire dignatus es: veruntamen conscius infirmitatis meæ, & peccatorum meorum, de quibus propter te vehementer doleo, non audeo sacramentaliter suscipere te; sed dico ex amore tui cum Centurione: Domine non sum dignus ut intres sub lectum meum; sed per os Sacerdotis

tis veni, amantissime Jesu, in animam meam. Munda, quæso, illam à malis omnibus, & imperfectionibus, orna bonis & virtutibus.

Actus petitionis pro statu Ecclesie.

O Pater misericordiarum, respice in faciem Christi tui, qui clamore valido, & lacrymis interpellat pro Sponsa sua Ecclesia, Matre nostra.

Ecce, mi Pater, profusus ille corporis sudor, horrenda capitis spinæ, calidi fontes oculorum, clavi manuum & pedum, livores & vulnera, & vox sanguinis fratris nostri Jesu Christi clamat ad te de Cruce.

Audi, o Pater: ad hujus suspiria, & gemitus mori sunt cœli, scissi sunt lapides, & tenerima misericordie tue viscera non flectentur?

Protege & defende, Pater clementissime, populum tuum contra hostium ferociam. Ne tradas bestiis animas confitentes tibi, & animas pauperum tuorum ne projicias in finem,

Custodi omnes, Domine, & conserva, qui te sincero corde, & ore confitentur, ne à falsis Prophetis, qui veniunt in vestimentis ovium, intus autem sunt lupi rapaces, seducantur: coercere potentiam illorum, machinationes detege, & consilia adversus Ecclesiam tuam dissolve.

Da Fidelibus tuis, misericors Domine, ut in pace, & tranquillitate, ac unione incensanter amemus & laudemus te, ut doctrinam tuam agnoscamus, teque ad mortem usque constanter sequamur.

Deprecatio pro felici successu sacrae Religionis.

Domine Deus Rex omnipotens, in ditione tua cuncta sunt posita, & non est, qui possit resistere tuae voluntati, si decreveris salvare, & conservare nos indignos servulos mille tibi votis, ac desideriis mancipatos. Tu fecisti cælum & terram, & quicquid cæli ambitu continetur, Dominus omnium tu est, nec est qui

resistat Majestati tuae. Et nunc Domine Rex, Deus Patrum nostrorum, miserere Congregationis tuae, quam possedisti ab initio.

Ne despicias, Domine, partem tuam, & hæreditatem tuam, quam tuo sanguine acquisivisti. Exaudi deprecationem meam: intende oculos pietatis tuae in omnes Religiones nostræ Præsules & Pastores, & fac eos super commissum sibi gregem fideliter excubare.

Converte oculos tuos misericordes in omnes Religiosos servos tuos, & fratres nostros, quos de hoc sæculo nequam eripuisti, ad te benignè traxisti, ut hæreditatem capiant salutis. Da illis in virtute, & vocatione profectum, & in cunctis fervorem accende. Da, ut viventes per totum mundum laudemus nomen tuum, Domine, & ne unquam claudas ora te canentium, Domine Deus noster.

—

—

—

—

—

—

Postulatio gratiarum.

Siquidem, bone Jesu, sine gratia tua nihil boni fieri potest: quocirca peto à te dona, & auxilia ad meam, & proximorum salutem procurandam necessaria. Peto auxilium gratiæ habitualis sanctificantis. Peto continuas gratias efficaces, excitantes, & cooperantes. Peto intensiores habitus virtutum, fidei, spei, charitatis, justitiæ, prudentiæ, & temperantiæ, & fortitudinis.

Largire dona, & fructus Spiritus sancti: largire opera misericordiæ spiritualis, & corporalis. Largire etiam gratias gratuitas ad salutem proximorum, & amplificandam gloriam tuam. Tribue gratiam orationis mentalis & vocalis, examinis utriusque, frequentis recollectionis, & silentii, intimæ tecum unionis, pietatis erga. Virginem beatissimam, cultus erga SS. Patros.

Concede, ut perfectè observentur Regula, & vota paupertatis, casti-

tatis, & obedientiæ. Augè in me amorem vocationis, & da mihi spiritum status, & aptitudinem ad omnia ejus munia peragenda. Da virtutes solidas humilitatis, mortificationis heroicæ, & abnegationis in omnibus, sitim insatiabilem contemptus, & injuriarum. Da, ut nunquam te peccato mortali, & veniali deliberato offendam. Da vitam plenam meritis, & tuo amore ferventem. Da perseverantiam in Religione, & felicem in optimo animæ meæ statu mortem.

Petitio brevior.

¶. Confirma hoc Deus quod operatus est in nobis.

R. A templo sancto tuo quod est in Jerusalem.

O R A T I O.

DEus, qui nos à sæculi vanitate conversos ad braviùm supernæ vocationis accendis, pectoribus nostris purificandis illabere, & gratiam nobis, qua in te perseveremus infan-

de; ut protectionis tuæ muniti præ-
sidiis, quod te donante promisimus,
impleamus, & nostræ professionis
executores effecti, ad ea, quæ perse-
verantibus in te promittere dignatus
es, pertingamus. Per Christum Do-
minum nostrum, Amen.

*Actus ad Virginem beatissimam, &
Sanctos Patronos.*

Formula dedicandi se beatissimæ
Virgini.

Sancta Maria Mater Dei, & Vir-
go immaculata, Ego N. pec-
cator vilissimus, undequaque puris-
simo conspectu tuo indignissimus, im-
pulsus desiderio tibi serviendi, ac
fretus pietate tua singulari, coram
benedicto Filio tuo, & Curia cœ-
lesti universa, dedico me tibi hodie
in servum, & mancipium tuum, eli-
goque te in singularem meam Do-
minam, Matrem & Advocatam, &
firmiter propono, me nunquam te
derelicturum, neque contra te aliquid

un-

unquam dicturum, sed semper tuum
honorem defensurum.

Te itaque, Virgo sacrosancta, per
sanguinem unigeniti Filii tui Jesu
Christi oro, ut me inter alios tibi
devotos in servum perpetuum admit-
tere digneris, adsisque mihi in om-
nibus necessitatibus meis, & super
omnia non me deseras in hora mor-
tis mee.

*Christus proprio ore dictavit in Regu-
la Salvat. cap. 5. has duas*

Orationes.

Omnipotens sempiterno Deus, qui
pro nobis de castissima Virgi-
ne nasci dignatus es, fac nos, quaesum-
us, tibi casto corpore servire, &
humili mente placere.

Oramus te, piissima Virgo Ma-
ria, mundi Regina, & Ange-
lorum, ut eis, quos purgatorius exa-
minat ignis, impetres refrigerium,
peccatoribus indulgentiam, justis in
bono perseverantiam, nos quoque fra-

E 4

gi-

giles ab instantibus defende periculis,
Per Christum Dominum nostrum.

*Beatissima V. M. hæc dixit S. Birgit-
ta, lib. 1. ejus Revelat. cap. 8.*

Sic laudare debes me.

Benedictus sis tu Deus creator om-
nium, qui in uterum Mariæ Vir-
ginis descendere dignatus es.

Benedictus sis tu Deus, qui cum
Mariâ Virgine esse sine gravamine vö-
luisti, & de ea immaculatam carnem
sine peccato sumere dignatus es.

Benedictus sis tu Deus, qui ad Vir-
ginem cum gaudio animæ ejus ve-
nisti, & sine peccato de ea proces-
sisti.

Benedictus sis tu Deus, qui Ma-
riam Virginem Matrem tuam post As-
tensionem tuam crebris consolationi-
bus lætificasti, & per te ipsum eam
consolando visitasti.

Benedictus sis tu Deus, qui cor-
pus, & animam Mariæ Virginis Ma-
tris tuæ in cœlum assumpsisti, & su-
per omnes Angelos juxta Deitatem

tuam

tuam honorificè collocasti: miserere
mei propter preces ejus.

Devota ad V. B. commendatio.

Memorare piissima, & glorio-
sissima Virgo Maria, Mater
misericordiarum, & totius consolati-
onis, à sæculo non esse auditum,
quemquam ad tuâ præsidia currentem,
tua implorantem auxilia, aut tua pe-
tentem suffragia à te, Virgo Maria,
derelictum. Idcirco tali animatus fi-
ducia, ad te Virgo Virginum, Regi-
na Cœlorum, & Domina Angelo-
rum, ò Maria Mater Domini nostri
Jesu Christi, confugio, ad te Stella
maris curro, coram te miser gemens,
& tremens assisto.

Noli, ò Domina mundi, clemen-
tissimas aures tuæ pietatis ob ingra-
titudinem meam, ad clamorem meum
claudere. Noli, Mater omnium, ab
omni benignitate me excludere: sed
benignè fac mecum propter nomen
sanctum tuum. Noli porta cœli ob
scœlra mea jugiter obserari: sed re-

E s

porta

porta me ad portam gratiæ, à qua ingratus exivi, per quam tu mundo vitam, & salutem reportasti.

Noli, Regina gloriæ, ob tuæ celsitudinis gloriam, mei peccatoris oblivisci; sed memor esto fragilitatis meæ, & adjuva me propter magnitudinem gloriæ tuæ. Noli solitam pietatis tuæ manum retrahere, sed tolle quod metuo, largire quo careo, indulge quod offendo. Noli æterni Verbi Mater verba mea despiciere; sed audi propitia, & exaudi me miserum ad te in hac lacrymarum valle clamantem, nunc, & semper, & in hora mortis meæ: O clemens, o pia, o dulcis Virgo Maria.

Pro felici morte ad Beatiss. Virg.

O Dulcissima Jesu Mater Virgo Maria, Patrona mea, visceribus misericordiæ plena, succurre mihi misero peccatori, antequam mors subitanea, & improvisa superveniat, ne subito, & imparatus de hoc mundo transeam.

Ora

Ora pro me Maria Virgo benedicta ob unigeniti Filii tui Domini nostri Jesu Christi passionem ac mortem amarissimam, ut peccati detestatione, diaboli & operum ejus adrenuntiatione, vera contritione, pura & humili confessione, poenitentia & satisfactione, digna Dei acceptione, & proximi dilectione, Filio tuo reconciliatus de hoc mundo transeam.

Et fac mecum misericordiam tuam, o B. V. M. Mater Dei, in illa tremenda hora, quando spiritus vitales deficient, & mortua lingua non poterit invocare te, neque oculi mei lucem capere, auresque meæ nulli voci patescant. Memor esto, o Maria, precum, quas nunc fundo ad aures tuæ pietatis, & subveni mihi in illa ultima hora necessitatis meæ, ut liber à ministris diaboli, colloca cum Christi fidelibus Filii tui servis & amicis. Amen.

Ad

Ad SS. Angelos, & SS. Patronos.

OMnes Sancti Angeli, & Archangeli. Omnes Sancti Troni, & Dominationes. Omnes Sancti Principatus, & Potestates. Omnes SS. Virtutes cœlorum. Omnes SS. Cherubim, & Seraphim. Omnes SS. Patriarchæ, & Prophetæ. Omnes SS. Apostoli, & Evangelistæ. Omnes SS. Martyres, & Confessores. Omnes SS. Episcopi, & Doctores. Omnes SS. Sacerdotes, & Levitæ. Omnes SS. Monachi, & Eremitæ. Omnes SS. Virgines, & Viduæ. Omnes SS. Conjugati, & Innocentes. Omnes Sancti, & Sanctæ Dei. Et præsertim, S. Michael, S. Gabriel, S. Raphael, S. Petre, S. Paule, S. Joannes, S. Andrea, S. Benedicte, S. Bernarde, S. Augustine, S. Dominice, S. Franciscæ, S. Igoari, S. Antoni, S. Casimire, orate, & intercedite pro me indiguo peccatore: vestra me tutela undique hostibus irruentibus vallare, ut non accedat ad me malum, & flagellum

lum non appropinquet tabernaculo meo. Venite in subsidium fortissimi Athletæ, ut auxilio vestro ultionem videam ex inimicis meis, & vobiscum in æternum laudem, & glorificationem Dominum Deum nostrum in terra viventium, Amen.

Ad Angelum Custodem.

ANgelè Dei sacratissime, mihi à Deo in custodiam deputate, gratias tibi ago pro omnibus beneficiis, quæ mihi in corpore, & anima unquam exhibuisti.

Laudo & glorifico te, quod mihi miserimo tam fideliter astare, atque me contra omnes hostium insultus tuæ dignaris.

Benedicta sit illa hora, quæ mihi in custodiam datus, & in defensorem atque Patronum deputatus es.

Benedicta sit tua in me charitas, omnisque tua sollicitudo, quæ salutem meam promovere non cessas.

In recompensationem omnium obsequiorum mihi à juventute exhibi-

torum, offero tibi nobilissimum Cor Jesu Christi: rogans mihi ignosci, quòd toties sanctis tuis inspirationibus renitendo te contristaverim: firmiter nunc propono tibi obedire, Deoque meo fideliter servire.

Ad S. Joannem Evangelistam pro conservanda castitate.

A *Neiphona.* Iste est Joannes, qui supra pectus Domini in coena recubuit: beatus Apostolus, cui revelata sunt secreta caelestia. *ŷ.* Hic est discipulus. *R.* Quem diligebat Jesus.

O R A T I O.

Pectoris illius delicias, & divinisimi cordis dulcedinem, supra quod felicissimè recubuisi S. Joannes, ad nos quoque famulos tuos feliciter extende; ut abjectis mundi illecebris, in puro Christi amore quiescamus. *Per &c.*

Ad

Ad S. Josephum.

A *Neiphona.* Salve Patriarcharum decus, & Ecclesiae sanctae Dei Oeconomus, qui panem vitae, & frumentum Electorum, conservasti. *ŷ.* Ora pro nobis castissime Joseph. *R.* Ut digni efficiamur promissionibus Christi.

O R A T I O.

Virginum Custos; & Pater S. Joseph, cujus fideli custodia ipsa innocentia Christus Jesus, & Virgo Virginum Maria in terris commissa fuit; te per hoc utrumque charissimum pignus tuum Jesum & Mariam obsecro, & obtestor, ut me ab omni immundicia praeservatum, mente incontaminata, puro corde, & casto corpore, Jesu & Mariae semper facias castissime famulari. *Per &c.*

Vo

Votiva ad eundem Sanctum.

Sanctissime Joseph, Mariæ Matris Dei & Virginis Sponsæ, periclitantium & agonizantium advocate, Ego N. te hodie coram Jesu, & Mariæ Sponsa tua, in Dominum Patronum, & advocatum pro tota vita mea, & morte eligo, firmiterque statuo ac propono, me nunquam te derelicturum, neque contra te aliquid unquam dicturum; neque permissurum, ut aliquid contra tuum honorem unquam agatur.

Suscipe me ergo in servum tuum, & me Mariæ Sponsæ tuæ in perpetuam protectionem, & in æternis Jesu misericordias commenda: adsis mihi in omnibus actionibus meis, quas omnes offero in perpetuum, ad majorem Jesu, Mariæ, & tuam gloriam, nec me deseras in hora mortis, ad quam te nunc sanctum Patronum invito: ut tunc, quod possibilitas mea non obtinet, tui mihi intercessionem donetur per Jesum Deum animæ meæ.

Gra-

Gratias tibi Deus meus, pro omni donorum thesauro, quem in Jesum, Mariam, & S. Josephum effudisti.

Gratias tibi ago, dulcissime Jesu, & tibi SS. Virgo Mariæ, pro omni amore & benevolentia, ac honore, quo sanctum Josephum complexi estis.

Gratias tibi SS. Joseph pro omnibus laboribus, & doloribus, quos pro Jesu, & Mariæ libentissime sustinuisi.

Gratias vobis, omnes Sancti, & Sanctæ Dei, qui peculiari studio Jesum, Mariam, & Josephum coluitis: adeste mihi vos omnes unâ cum Jesu, Mariæ, & Josepho semper, sed potissimum hinc migranti.

Per merita agni immaculati Jesu Christi, ex quo est fons omnis puritatis, & per immaculatam Conceptionem, SS. Virginitatem, & innocentissimam puritatem beatæ semper Virginis Matris Dei Mariæ, & intercessionem castissimi Sponsi ejus Josephi emundet, & immaculat-

tum

tum conservetur cor, & corpus meum.

In nomine Patris, & Filii, & Spiritus sancti.

Ad S. Barbaram.

Henricus Koch ad ossa usque exustus, sequenti oratione meruit esse sequenti oratione meruit esse superstes. *Sur. 4. Dec.*

O Santissima Virgo Barbara, quodcumque Sponsi tui viribus potes, mihi in mortis articulo, obsecro, ut suppedires; adjuva me miserum, ne in peccatis moriar: effectum tunc habeat tua intercessione primitus à Christo tibi facta promissio, cum fidem ejus tuo sanguine consecrasses. Redeat in memoriam Sponso tuo virgineus collo tuo exuberans sanguis: recordetur ardentissimæ tuæ charitatis; nec animam meam à corpore exire permittas; nisi confessione expiatam, & SS. Eucharistia Sacramento refectam. Amen.

Ad

Ad S. Patronum, cujus nomen in baptismo sortitus es.

O Beatissime N. Patrone fidelissimè, invictissime miles purpurati exercitus, substerno me tibi in servum perpetuum: commendo vitam, & mortem meam, maximè autem extremum spiritum meum.

Obsecro, mi Patrone santissime, per amorem, quo tam ferventer Deo adhæstisti, ut nunc liberari possim à cunctis malis animæ & corporis, ac te duce & comite, securior pervenire merear ad vitam æternam.

O Deus omnipotens & misericors, nomen meum mellissuo nomini tuo digneris subscribere in libro vitæ, & qui me famulum tuum Sancti tui N. nomine voluisti gaudere, da, ut in omnibus tibi placitis ejus vestigiis insistam, & tandem cum illo beatissimam faciam tuam contemplari valeam.

Mo

Modus honorandi quemcumque Sanctorum in ejus festivitate.

O Deus æternæ, infinitarum perfectionum Author, adoro te creatura tua, ut supremum rerum omnium Dominum, & principium omnium donorum, naturæ, gratiæ, & gloriæ, quibus Sanctum N. in terra ornasti, & nunc oras in caelis.

Gratias tibi bone Jesu, gratias Sanguini tuo, ex quo omnia Sancti hujus merita fluxerunt.

Gratias tibi, ò Patrone fidelissime, ob illum amorem, quo divinam Majestatem olim in terris, & nunc amas in caelis. Gratias tuo benedicto cordi, gratias sanguini (si est martyr) quem effudisti.

Gratias ob tot exempla virtutum nobis relicta, & beneficia multis per merita tua collata.

Benedicta sit B. V. Maria, benedicti Sancti Patroni, & Angeli custodes, quorum ope ad hanc paradisi gloriam pervenisti.

Con-

Confundor & erubesco, quòd vitiiis meis sin aded tibi dissimilis, & præsertim tuæ puritati.

Recipio te in Patrònum & Advocatum meum, ac me tibi tradò in servum, & clientem in vita & in morte.

O S. Patrone cœli Princeps, per amorem Jesu & Mariæ, impetra Ecclesiæ sanctæ pacem, omnium Infidelium, Hæreticorum, ac peccatorum conversionem.

Offero tibi, ò SS. Trinitas, merita omnia SS. Patroni mei ad gustum divinissimi cordis tuî, & gaudeo de omni amore & servitio, quod exhibuit tibi fidelis iste servus tuus.

Offero preces omnes, quæ in ejus honorem funduntur, ut antè tribunal tuum, altissimè Deus, presententur, & per eas mihi benefacias.

Gratulor tibi, ò Patrone, de omni honore & cultu, quem in terra habes, & quem in regno gloriæ consecutus es.

Ad

Antemeridiana

Memento Domine, per viscera misericordiae tuae, per merita Filii tui, per merita beatissimae Virginis Mariae, ac omnium Sanctorum Electorum tuorum & imprimis Ecclesiae Sponsae tuae: auge in ea fidei puritatem, & labore virorum Apostolicorum dilata eam toto orbe terrarum.

Da summo Pontifici nostro N. Spiritus sancti abundantiam, ut populo sibi commisso verbo, & exemplo prae luceat. Intende oculos pietatis tuae in Universos Ecclesiae Praesules & Pastores, & fac eos super gregem sibi commissum fideliter excubare.

Adesto Parochis, Presbyteris, & omni Clero, ut nulli praebent scandalum occasionem, diligant puritatem, & ea sequantur, quae pacis sunt.

Esto propitius omnibus Religiosis, da illis continuum in virtute profectum, votorumque ac regularum exactissimam observantiam. Da huic do-

mui

mui bonorum temporalium sufficientiam, & spiritum excita in Praelatis nostris, & in cunctis fervorem accende.

Effunde miserationes tuas Domine Princeps Regum terrae, in omnes Reges, & Catholicos Principes, cisque tribue in obedientia fidei, & Ecclesiae perseverantem famulatum, subditorum curam, justitiae zelum, & observantiam mandatorum tuorum.

Da virginibus continentiam, & castitatem, conjugatis sanctimoniam, poenitentibus indulgentiam, viduis & orphanis sustentationem, peregrinantibus reditum, navigantibus portum, justis perseverantiam, bonis ut meliores fiant, tepidis ut ferverescant, malis & peccatoribus, qualem me dolens esse confiteor, ut convertantur.

Conserva caelum in salubritate, terram in fertilitate, mundum in providentia ex omni parte sufficienti.

Respice omnes aegrotos, tentatos, afflictos, agonizantes, incarcerationatos, & in aliquo periculo, vel necessitate constitutos: da illis auxilium &

con-

consolationem, prout expedit ad gloriam tuam, & salutem illorum.

Miserere Domine omnium consanguineorum, affinium, amicorum. Miserere inimicorum meorum, quos intimè amore tui diligo. Miserere omnium, quos ego scandalizavi, & offendi.

Respice etiam, clementissime Domine, Paganos, Turcas, Idolatras, Hæreticos, Schismaticos, Judæos, & gentes omnes à fide alienas: collustra eas, Domine, veritatis tue splendore, ne pereant tot imagines tue, pro quibus pretiosus Filii tui sanguis effusus est.

Memento demum, Rex æternæ, cui omnia vivunt, animarum omnium fidelium defunctorum, præcipuè earum, quæ suis carent suffragiis, & pro quibus orare tencor: Extingue earum ardorem optato rore misericordiæ tuæ, & citò purgatas in conspectum tuum admitte.

Pro me ipso tandem infelicissimo peccatore clementiam tuam humillimè imploro. Miserere mei secundum mag-

magnam misericordiam tuam. Dona mihi virtutes statui meo necessarias, Da terrena despiciere, & amare cœlestia.

Aëus Meridiani.

O Candor lucis æternæ, Domine mi Jesu! ò ignis, qui dulciter ardes, secretè luces, suaviter odoras! quando nox ista sicut dies illuminabitur, in qua tuo in lumine videbo lumen tuum?

O quando veniet dies illa, cui nox non succedit, quæ temporum vices nescit, sed semper lucet, & dicit!

Quando mi suavissimè Jesu, flammis tue immensæ charitatis inflammatus ego te solo, & te solum ardere incipiam? quando ardescet pigritum frigus meum igne tuo, & accensus in te, parvus erit mihi omnis amor, quo creatura quævis diliget te? quando, mi Jesu, vitali amoris tui morte moriar, & in igne tuo consumptus favillescam, abiboque in cineres dilectionis tui?

O Domine, quando ero tuus totus, & tu meus? quando suspensus de te, deficiam à me, & transibo in te? quando in loco tabernaculi admirabilis reficiar in admiratione gloriæ tuæ? quando gustabo, & videbo quàm suavis sis, Domine Jesu?

Quanti mercenarii abundant in domo patris mei panibus, & ego hic fame pereo! ò si citius possem surgere, & ire ad Patrem meum! Quavis verò iste panis non sit dandus canibus, quorum unum me meum facit peccatum; attamen & catelli edunt de micis, quæ cadunt de mensa dominorum suorum.

O Deus cordis mei! quemadmodum desiderat cervus ad fontes aquarum, ita desiderat anima mea ad te fontem vivum.

Quis indicabit mihi, quem diligit anima mea, ubi pascat, ubi cubet in meridie? & quando requiescam in meridie illo, meridie jucunditatis, & lætitiæ? O meridies præclarus, & pulcher, nesciens vespere, non habens occasum?

Veni suspirata quies amantis animæ meæ, ut nulli mihi dies, nullæ noctes eant sine te: te solum esuriam, & sitiam, qui pascaris inter lilia, mi Jesu suavissime.

Actus Pomeridiani.

O Bonitas, ò misericordia mea, Deus meus! quid retribuam tibi pro omnibus, quæ tribuisti mihi? en vilissimus terræ vermiculus immensas tibi gratias ago.

Quia ex æternitate vidisti, & dilexisti me (ut de tua misericordia spero) me ad gloriam tuam efficaciter elegisti, & per convenientia media ad eam prædestinasti.

Quia per creationem me ex nihilo condidisti, ad tuam imaginem, & similitudinem fecisti, & innumeris donis in anima & corpore ditasti.

Quia me, & omnia propter me tam longa duratione conservas, sine cujus actuali concursu in nihilum rediremus, nec possemus uno momento subsistere.

Quia me pretioso vulnere tuo-
rum sanguine redemisti, & per me-
rita ac passionem tuam à servitute
diaboli liberasti.

Quia me cum paucis respectu mul-
torum ad Ecclesiam tuam, & ad tui
cognitionem & obsequium vocasti.

Quia me cum paucissimis ad sta-
tum religiosum, & ad hunc amā-
bilissimum, quem profiteor, miseri-
corditer adduxisti.

Quia Sacramentis, inspirationi-
bus, Sanctorum exemplis, spiritua-
libus libris, & aliis plurimis mediis
ad bonam vitam adjuvisti, & ad-
juvare non cessas.

Quia me ab innumerabilibus pe-
riculis perdendi gratiam liberasti, &
liberare non desinis.

Quia plurimis donis tum internis,
tum externis, tum naturæ, tum gra-
tiæ ditasti.

Quia mihi (ut spero) ab aeterno
certum, secundum tuam prædestina-
tionem, gradum gloriæ efficaciter
paravisti.

Quia me hodie ad orationem, &
tui

tui colloquium admisisti, pretioso
corpore & sanguine satiasti, & per
totam vitam infinitis aliis beneficiis,
ac postea per totam æternitatem af-
ficies.

Insuper gratias tibi, Domine, quia
cujusvis benignè provides corpori,
& animæ, & das escam omnibus in
tempore opportuno. Neque tantum
hominibus, sed & jumentis das es-
cam ipsorum, & pullis corvorum
invocantibus te. Ergo pro omnibus
& in omnibus sis benedictus in æter-
num.

Actus Antevespertini.

O Æterne Deus, principium sine
fine! scio, & verè cognosco,
quia corpus meum in dies ruinam
minatur, mors semper insidiatur, &
mox post lucem in tenebris sternam
lectulum meum: ideo dum clauden-
tur oculi mei, lingua etiam mea, &
cor meum in tuis deficient laudibus.
Proinde, mi Deus, quia te vitam
meam, centrum cordis mei, uni-
cum animæ meæ delictum, in se-
pul-

pulcro dormiens, & putrescens, non amplius laudare, & amare poterō: ideo omnia bona opera, post exitum meum ē vita hac, tibi in toto mundo impendenda, nunc offero, dono, & dedico.

Præcipue offero tibi, mi Deus, omnium sanctorum Angelorum, ac hominum laudes tui, adorationes, amores, & omnes actus bonos, tibi sive in via, sive in patria exhibendos.

Offero omnium Electorum tuorum persecutiones, dolores, mortificationes, & omnia martyria. Omnia demum Sacrificia in toto orbe celebranda.

Insuper, dilecte Jesu, hoc adjitio desiderans corde affectuoso, ut quando corpus meum fuerit in pulveres minutissimos redactum, & lapide clausum, ut, videlicet, de qualibet particula minutissima vox amœna laudis, & intensissimi amoris tui exurgat, quæ durissimum lapidem penetrans, coelorum altitudinem transcendat, & usque ad extre-

tremum judicii diem vivæ laudis præconium extollat; donec in resurrectione beata corpus & anima pariter unita, in tua laudis glorificatione copulentur.

Actus eantis dormitum.

Credo, Domine, quicquid de te credit S. Romana Ecclesia, & quicquid illa damnat ego damno, & anathematizo, imò pro hac fide sum paratus, ac opto mori.

Spero, Domine, etiãsi vilis, indignus, & abjectus homuncio, in abyſso misericordiarum tuarum, & in sanguine tuo cum tanta charitate pro me effuso, quia me salvum facies, & in carne mea videbo te Deum Salvatorem meum.

Gratias tibi, Domine, pro beneficiis propriis, pro beneficiis communibus: gratias tibi pro beneficiis cuicumque creaturæ hodie concessis.

Doleo, mi Jesu, quod te summum bonum, bonum infinitum, bonum

num amabilissimum toties hodie, & tam graviter offenderim: & doleo ex corde, non propter amissionem coeli, aut metum inferni, sed ob amorem tui solius.

Detestor simul, & abominor peccata totius mundi hodie præcipuè commissa. Opto ex animo, ut compensari aliquatenus meo sanguine possent.

Protestor coram te, Domine, quòd millies potius impendere cligam vitam, quàm post hac ulli peccato etiam veniali deliberato consentiam. Hucusque sit terminus delictorum meorum, & non ultra in æternum.

Parco Domine omnibus, qui me aliqua molestia in vita affecerunt, & eos propter te sincerè amo.

Offero me ad omnem nutum divinx voluntatis tuæ. Visnè bone Jesu, ut hac nocte moriar? lubens moriar. Offero me, & ad omnia mala poenæ toleranda, renuncians iudicio, voluntati, amori meo proprio.

Et quia vitæ & salutis incertus, velut sepulchrum ingredior somnum capturus, voveo (si est Religiosus) coram tota curia cœlesti, Paupertatem, Castitatem, & Obedientiam.

Omnia quæ feci, aut facere debui, substerno pedibus Jesu. Et quia non implevi mensuram meritum meorum, quam hodie implere debui, investio me superexcessivo sanguine Domini Jesu, quia quod potuit sanguinis guttâ, redemit undâ.

Sacratissima Jesu & Maria nomina vesperi ante somnum digito in fronte efformare contra mortem repentinam, docuit ipse Christus Dominus S. Edmundum Cantuar. Archiep. Tu similiter fac.

PER signum sanctæ Crucis de inimicis nostris libera nos Deus noster. (hoc ter dicat) Procul recedant somnia, & noctium phantasmata: hostemque nostrum comprime, ne polluantur corpora.

Dignare Domine nocte ista sine

peccato nos custodire. Miserere mei Deus secundum magnam misericordiam tuam.

Pax Domini nostri Jesu Christi, & virtus sacratissimæ Passionis ejus, signum S. Crucis, & titulus triumphalis *Jesus Nazarenus Rex Judæorum*, integritas quoque B. M. V. custodia SS. Angelorum, & suffragia omnium Electorum sint inter me, & omnes inimicos meos.

O Cor Jesu dulcissimum, tibi commendo hac nocte cor & corpus meum, ut in te dulciter requiescat. Et quoniam ego obdormiturus Deum laudare nequeo, hoc tuum, mi Jesu, suavissimum Cor pro me sup-
plere dignetur.

Jesus Nazarenus Rex Judæorum præservet me à subitanea morte. Jesu sis mihi Jesus. Virgo Maria sis mecum in via. Omnes Sancti, & Sanctæ Dei intercedite pro me. Nos cum prole pia benedicat Virgo Maria.

Jesu, Maria, Joseph, dono vobis cor, & animam meam.

Caps

Cum jam decumbis.

A Ntequam obdormis, breviter tecum revolvere poteris, quibus illi, qui infernalem regionem incolunt, lectis utantur: quàm etiam molli-
bus lectis ii, qui amena caelestis paradisi loca inhabitant, accubent. Postea imaginare te somnum capturum, esse circumdatum ab Angelis, qui custodiæ tuæ invigilent, vel mente concipe te aliquando cum Christo dormire in stabulo, vel in deserto, aut in carcere Caiptæ, aut sub Cruce. Sic tibi nox sicut dies illuminabitur, & nox illuminatio tua erit in deliciis tuis.

Quando non potes capere somnum, dic saltem corde.

O Crux! ò Corona spinea! quàm durum lectulum præbuitis Jesu Salvatori meo! In hoc lectulo dormiam, & requiescam in cogitatione animæ meæ.

O Jesu! quid erit de me, quando oportebit sternere in tenebris lectulum meum? quando sternetur subter me tinea, & operimentum meum erunt vermes?

O Domine Jesu! utinam feliciter obdormiam in sinu amoris tui, & lux perpetua luceat mihi in lumine viventium, videntium, & amantium te!

O si animus ad amoris lucernam vigil hæreret, dum somnum corpus capit! ita ut dicere possem cum sponsa: Ego dormio & cor meum vigilat.

S. Gertrudis, cum quadam tempore dormire non posset, hanc Orationem à Christo didicit
lib. 3, cap. 25.

PER tranquillissimam suavitatem, qua ab æterno in sinu Dei Patris accubuisti: & per amœnissimam pausationem in utero virginali, qua novem mensibus quievisti: & per jucundissimam delectationem,
qua

qua unquam in amante aliqua anima dignatus es deliciari: rogo te, misericordissime Deus, ut non ad meum commodum, sed ad æternam laudem tuam mihi concedere digneris aliquantam requiem, qua lassata membra corporis usui exercitationis restituantur.

Añus brevis pro defunctis.

Miserere piissime Jesu, miserere & respice de sede magnitudinis tuæ, ad miseras animas in Purgatorio detentas, quia tibi proprium est misereri semper, & parcere. Miserere gemituum, miserere lacrymarum, quas ad te fundunt, & condona eis poenas peccatis ipsarum debitas.

Præcipuè verò animabus fratrum, amicorum, & benefactorum meorum: animabus bellis, peste, fame sublatozum: item pauperum, ege-
norum, & quorum nulla extat memoria: ac demum istorum quos à me juvari vis: per Sanguinem totius

tius corporis tui, per crucem & mortem tuam: per merita omnium Electorum tuorum, per SS. Missæ Sacrificia, & omnia bona opera ad gloriam tuam in toto mundo facta. Requiem æternam dona eis, misericordissime Domine, & lux perpetua luceat eis. Requiescant in lumine viventium, videntium, & amantium te in æternum. Amen.

CAPUT IV.

SOLITUDO.

Seu quotidiana familiaris cum Deo Viatoris conversatio.

O Anima sancta, sola esto, ut soli omnium serves te ipsam. S. Bern.

Hanc brevem solitudinem, & recessum suadent tibi Viator, non tantum mundi hujus miseræ, sed ipsius solitudinis delicia. Quid enim

enim potest deesse deliciarum homini, cum illic adest, cujus deliciae sunt esse cum filiis hominum? Quod per Isaiam Dominus promisit dicens: *Ponet desertum ejus quasi delicias, & solitudinem quasi hortum Domini; gaudium & letitia inveniuntur in ea.* Unde in hac solitudine de perenni divinitatis fonte limpidissimis consolationibus affluens S. Benedictus, non semel in uno Solis radio totum mundum collectum conspexit. Et S. Ignatius in eadem solitudine interna suavissima caeli gaudia libans, erumpebat in hæc verba: *Quam sordet mihi terra, dum caelum conspiciat.* Ideo Hieronymus sæpius de suo deserto: *Mihi cætera carcer, & solitudo Paradisus.* Ut ergo anima his possit vacare deliciis, fugiendo hominum contubernium, & cum solo Deo habens commercium, scire refert ad quem se locum conferat. Gemina est solitudo, altera exterior corporis, altera interior animi. Prima, secundum Ascetas, est locus remotus in abdito recessu, vel extra urbem, a

fa-